

Broj: 11-7-490/21

Sarajevo, 03.06.2021. godine

Na osnovu člana 64. stav 1) tačka b, člana 70. st. 1), 3) i 6) Zakona o javnim nabavkama („Službeni glasnik BiH“, broj 39/14), a na Preporuku Komisije za javnu nabavku broj: 11-17-396/21 od 27.05.2021. godine, u postupku javne nabavke putem konkurentskog zahtjeva - nabavka naftnih derivata – goriva, Direktor, na usaglašen stav sa Zamjenikom direktora Javne ustanove Federalna novinska agencija, d o n o s i

O D L U K U

o izboru najpovoljnije ponude putem konkurentskog zahtjeva za nabavku naftnih derivata – goriva

Član 1.

Prihvata se Preporuka Komisije za javne nabavke, broj: 11-17-396/21 od 27.05.2021. godine i Ugovor za nabavku naftnih derivata – goriva i dodjeljuje se ponuđaču **Hifa – Petrol d.o.o. Sarajevo, Hotonj bb, 71 320 Vogošća**, broj ponude: JN-2331/21 od 20.05.2021. godine, broj protokola Javne ustanove Federalna novinska agencija: 11-17-176/21 od 27.05.2021. godine, za ponuđenu cijenu od 13.378,50 KM bez PDV-a, kao najnižoj ponuđenoj cijeni.

Član 2.

Prijedlog ugovora o nabavci dostavit će se na potpis izabranom ponuđaču po proteku roka od 5 (pet) dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Odjel za razvoj, opće, pravne i finansijske poslove.

Član 4.

Ova Odluka objavit će se na web-stranici www.fena.ba istovremeno s upućivanjem ponuđačima koji su učestvovali u postupku javne nabavke, u skladu s članom 70. stav 6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku konkurentskog zahtjeva, u skladu sa članom 71. stav 2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 04-3-350/21 od 11.05.2021. godine.

Javna nabavka je sprovedena putem konkurentskog zahtjeva.

Procijenjena vrijednost javne nabavke bez PDV-a je 12.820,50 KM.

Komisija za javnu nabavku imenovana je Rješenjem broj: 04-3-351/21 od 11.05.2021. godine. Zahtjev za dostavu ponuda upućen je ponuđačima na portalu Agencije za javne nabavke BiH, objavom tenderske dokumentacije, u skladu sa članom 55. Zakona o javnim nabavkama („Službeni glasnik BiH“, broj 39/14 od 19.05.2014. godine), broj obavještenja o nabavci: 14753-7-1-68-3-4/21 od 12.05.2021. godine.

Komisija za javnu nabavku dostavila je Zapisnik o otvaranju ponuda broj: 11-17-393-1/21 od 27.05.2021.godine, Zapisnik o pregledu i ocjeni ponuda broj: 11-17-394/21 od 27.05.2021. godine, Izvještaj o radu broj: 11-17-395/21 od 27.05.2021. godine i Preporuku o izboru najpovoljnije ponude broj: 11-17-396/21 od 27.05.2021. godine, u postupku javne nabavke putem konkurentskog zahtjeva - nabavka naftnih derivata – goriva.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - jedna;
- da su blagovremeno zaprimljene ponude - jedna;
- da su neblagovremeno zaprimljene ponude- nema neblagovremeno zaprimljenih ponuda;
- da je ponuda ponuđača prihvatljiva.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, te je preporučila da ugovorni organ prihvati ponudu ponuđača Hifa-Petrol d.o.o. Sarajevo, Hotonj bb, 71 320 Vogošća iz razloga što su sredstva neznatno veća od iznos od 652,85 KM (sa PDV-om) u odnosu na procijenjenu vrijednost javne nabavke propisane tenderskom dokumentacijom, te da se ista mogu osigurati ili da se donese Odluka o poništenju postupka nabavke goriva.

Cijena ponude bez PDV-a je 13.378,50 KM, ukupna cijena sa 15.652,85 PDV-om je KM.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i internim aktima.

Uvidom u priloženu dokumentaciju, nesporno je da je izabrani ponuđač najbolje ocijenjen zbog: **Najniže cijene kako slijedi:**

Naziv/ime ponuđača	Ukupna cijena ponude
1. HIFA - PETROL d.o.o. Sarajevo, Hotonj bb, Vogošća	15.652,85 KM (sa PDV-om) 13.378,50 KM (bez PDV-a)

S obzirom na navedeno, a uzimajući u obzir da ugovorni organ može osigurati sredstva, u skladu sa članom 64. stav 1) tačka b. Zakona o javnim nabavkama, te u skladu s internim aktima odlučeno je kao u članu 1. ove odluke.

POUKA O PRAVNOM LIJEKU:

Protiv ove odluke može se izjaviti žalba ugovornom organu (Javna ustanova Federalna novinska agencija) u skladu s članom 101. stav 5) Zakona o javnim nabavkama BiH, najkasnije u roku od 5 (pet) dana od dana prijema ove Odluke.



mr.sc. Elmir Huremović, dipl.ing.el., direktor

Dostaviti:

- Ponuđaču
- Komisija
- a/a.